



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

In Funere alicujus in dignitate sæculari.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

N. missi duo isti Angeli ut eam explorarent, in signum fertilitatis hunc botrum extulerunt. Locus è quo in Palæstina decerptus est botrus, dicebatur Nechel Eschol, hoc est, rivus botri, sic dici debet & hic locus è quo decerptus hic botrus, rivus, fluxerunt Patri lachrymæ, & meritò. Cyrus ut scribit Greg. Richter, habuit vitem auream, botri smaragdini. Talis hæc familia, deest botrus. Fuerunt botri quales vidit in somnis Pincerna Pharaonis, & de illis dabat Regi vinum. Ne solliciteris Pater, verbis te compello quibus Marciam Romanam Philosophus lugentem de obitu Filii, *Filium tibi Diis immortales non diu daturi, statim talem dederunt, qualis diu effici potest: quidquid ad summum pervenit ad exitum properat. Eripit se ex oculis aufertque perfectâ virtus, nec ultimum tempus expectant, quæ in primo maturuerunt.* S. Macario obtulit quidam botrum, hic discipulo, ille alteri, & sic deinceps, tandem ad Macarium redit, qui illum DEO obtulit. Dederat tibi ô Pater, DEUS botrum, tu illum Academiis &c. rediit ad te, offers illum DEO. Mortuus N. intrepidè. Henrico Duci Bavarix apparens S. Wolfgangus scripsit in pariete *Post sex*, ille putabat se moriturum post horas sex, deinde dies, &c. interea post sex annos factus Cæsar. Et illi datum Elogium. *Seipsum singulis senariis superabat, & post mortem eandem vivebat.* Et N. expectando mortem, acquisivit cælum. Dispositio Defuncti qualis? Jam valedicit tibi ô Rex, ô Patria &c. Clausit vitam, claudio sermonem.

In Funere alicujus in dignitate Sæculari.

MOS antiquus est Polonorum, ut in funere Regum frangantur Regis sigilla, in funere alicujus ex sua familia ultimi stemmata rumpantur. Quid hoc? an quia ut ad sepul-

pulchrum perveniamus non est opus armis, an quia in morte jam nova staminata incipiunt, scilicet calvaria picta &c. Certius est, ut fragilitas nostra indicetur, mortuus cadit ut arbor Dan. 4. Succidite arborem, & praecidite frondes ejus. Solus Christus in virga ferrea regit, ceteri sunt ut vasa figuli, Aug. lib. 12. de Civit. *Regis caelestis virga ferrea est, Regum terrestrium virga fragiles sunt, propter quod addit, confringes eos.* 4. Reg. 18. Rex quidam appellatur baculus arundineus & confractus. Quare Hebraei cum memoriam celebrarent viri fortissimi Banajæ, appellabant diem illum ut scribit Rabbi Membre. *Planctum super fracturam virge seu fulcri.* Facimus hodie planctum super fracturam N. fulcri Patriæ. Planctus ab ipso DEO in tali casu imperatus est Ezech. 30. *Hac dicit D. DEUS, ululate, cum ceciderint vulnerati in Aegypto, & destructa fundamenta ejus, & corruent fulcra Aegyptum.* Plangamus, Plangit familia, uxor, Filii &c. Ezech. 19. *Maruerunt & arefacta sunt virga roboris ejus: non fuit in ea virga fortis.* Arbor fuit N. &c. *Planctus est, & erit in planctum.* Sed an in solo stent luctu posterius Defuncti N? Jer. 48. *Consolamini cum omnes qui estis in circuitu ejus, & universi qui scitis nomen ejus, dicite, quomodo confracta est virga fortis? Fracta sub onere Patriæ.* Bene mundum descripsit Pelusiota lib. 2. Epist. *Mundus est perpetua ruinarum ruina, quod explicabitur ex verbis Chrysost. hom. 30. ad 1. Cor. Caduca est hominum natura, pulchritudo properat ad deformitatem, robur ad imbecillitatem, honor ad contemptum, sanitas ruit ad morbum, gloria ad vilitatem, divitiæ ad paupertatem.* Sed & Euseb. lib. 11. de præpar. Evang. c. 7. *Natura nostra inter ortum & mortem consistens instabilis est, corrumpitur enim infans in puerum, puer in juvenem, juvenis in virum, vir in senem. Et qui heri fuit, in eum qui est hodie, qui que est, in crastinum; manet autem nullus idem.* Hoc idem est in toto

toto

toto mundo. Assyriorum Monarchiæ, successerunt Medis, isti Persæ, Græci Persis, Græcis Romani. Idem fit in Regnis, Carthaginem occuparunt Asiatici, Babilonem Europei Macedones, Saraceni Italiam, Affri Hispaniam, in Græciam intrarunt Gallogræcia, in Galliam Franconia. Rursum in Galliam, Italiam, Hispaniam, Vandali, Gothi, Sarmatæ, in Sarmatiam Slavones. Idem in civitatibus, Bizantium convertitur in Constantinopolim, Memphis in Cairum, Carthago in Tunetum, Carrodunum in Cracoviam, aliæ in desertos campos, quid bella, naufragia? Fulciunt ruinas mundi magno viri, dignitatibus utuntur ut fulcris, Fulcivit N. Alii solum fulciunt genere, alii ore, alii re. Parum est solo genere. Nazianz. *Clarissimam stirpem, ait, quid ergo? verminosum nimirum & putridum Patri & Avi scepro niteris, & ruinam potius quam fulcro fulcris, solis alius sepulchris vincis, & rescriptis novis, quæ scriptis non educatus es.* Sed hoc fulcrum debile. Job 9. *Inruetur super domum suam & non stabit, fulciet eam & non consurget.* Jactat genus, de illo dici potest. Prov. 14. *In ore stulti virga superbia.* In manu nihil; sunt ut Rebecca, ut mulier. Gen. 24. *Cujus filia est, ber esse ut David.* 1. Reg. 17. *De qua progenie es o Adolestem? dixitque David, filius Isai Bethleemita ego sum.* Et tamen ex nobiliore fuit domo quam Rebecca, sed notus erat ex de Goliathi. De Rebecca dici potest, quod Hieron. in epitaphio Fabiolæ, genus memoravit, *ut quod in flore non poterat, in virgibus & radicibus demonstraree.* Ac Pelusiota lib. 1. Epist. de Davide. *Vide mihi pastorem puerum, bacillo unico & familiam suam, & Judæam sustentantem.* Ita N. defunctus, non decebat illi genus, erat velut arbor plena hostium spoliis. Possum illi quod Ezech. 19. dicere. *Mater tua quasi vinea in sanguine tuo plantata, frondes ejus creverunt, & factæ sunt ei virgæ solidae in sceptris dominorum.*

minantium, & exaltata est statura ejus inter frondes & vidit altitudinem suam in medio palmarum suorum. Sunt ibi Majores &c. Sed facta sua N. adjecit. *Mater tua quasi vitis, & quasi flos factus es virga solida. Num flos fulcis?* de columnis templi Salomonici, 3. Reg. 7. *Capitella columnarum quasi opere lili fabricata erant.* Et Ecclesia Cant. 5. *petit. Fulcite me floribus,* Greg. *per flores, tyrones & incipientes designantur, flos est Juvenis cum bene instituitur. Ego flos campi,* jam campo & publico affluunt, gronadillus excrevit in columellam, sed inter spinas non delicias. Ita N. crevit primò in Scholis, in devotione, studio, deinde in aulis, crevit ut Aaron cujus virga floruit Num. 17. in tabernaculo.

Fulcivit ora, Itai 18. eloquentiam vocat *Virgam oris,* de Apostolis Pl. 18. *In omnem terram exivit sonus,* &c. Symmachus legit, *& fines orbis terra stant supra verba eorum.* Fulcivit verba. In comitiolis N. &c, in judiciis, Itai. 11. *Judicabit in justitia pauperes, & arguet in equitate pro mansuetis terra, & percutiet terram virga oris sui.* Pauperes. Quia Divites potius per amicas comparationes quàm per strepitum juris conveniunt inter se, præterea magis à Judice fulciendi pauperes, quia facilius cadunt causâ quàm Divites. *Percutiet terram virgâ oris sui.* Quid hoc? Apoc. 1. *De ore ejus procedebat gladius,* quia verbum DEI tam est efficax atque gladius. Pl. 148. *Dixit & facta sunt.* Talis debet esse qui Patriæ servit, sed quare terram percutit? omnes respectus terrestres contemnit. Exod. 17. dictum Moyfi. *Percuties petram, & ex ea exibat aqua, ut bibat populus,* scilicet ille qui tamdiu sitiit justiciam, Pl. 84. *Veritas de terra orta est.* In quæ verba Theodoret. *Ut sæpè fons in terra, ita veritas in causis latet, percutit semel & stillabit, percutit iterum & fluat, percutit tertio & exundabit,* gratis omnes bibent, Talis eloquentiæ fuit N. componebat discordes, pauperi suc-

O

curre-

currebat, cum vicinis concors, offensas remittebat, redimebat captivos, causas difficiles ut laxa, Pl. 104. *Dirupit petram & fluxerunt aqua, abierunt in sicco flumina, nempe veritatis, in sicco, apud pauperes Pl. 81. Convocatis terræ Dominis dixit, Ego dixi Dis estis, Ibid. DEUS, stetit in Synagoga Deorum & Judices Deos vocat, locum judiciorum Synagogam, sive Ecclesiam. Dii, ut ita agant, ac ipse DEUS ageret, & aspicit an ita agant, in medio autem DEOS dijudicat. Sed ad hæc quid aliqui Judices? Pl. 81. Nescierunt neque intellexerunt, sed quid inde sequitur. Movebantur omnia fundamenta terræ. Omnia territoria, Sigebert, in Chronico. Cum inique fuisset judicatus Gregorius Antiochensis, terra contremuit; Cum Chrysof. à Theophilo damnatus, Thracia, Propontis, Constantinopolis, contremuit. Quia cecidit fulcrum, Prov. 10. *Iustitia firmatur solum*, Confracta est sella sub Valente Imp. cum vellet scribere decretum contra S. Basilium. Rustici terras fundant & earum opes, cum illi ruunt, etiam istæ. 1. Reg. 2. *Domini sunt cardines terræ, & posuit super eos orbem*, in hæc Rupertus. *Afflictos terræ Hebræi intelligunt, super quos Dominum, orbem posuisse dicunt, quia eorum meritis terram stare autumant. Isti pauperes sunt nihilum, sed Job, 26. Appendit terram supra nihilum. Consilia etiam sunt fulcra Prov. 11. Ubi non est gubernator populus corruet. Vatablus & Pagninus legunt, Ubi non sunt consilia, populus corruet.**

Proderat & reipsâ N. Fulcrum est panis seu bona terrena. Ezech. 14. *Fili hominis, terra cum peccaverit mihi, extendam manum meam super eam, & conteram virgam panis ejus, & imitem in eam famem. & cap. 4. Fili hominis ecce ego conteram baculum panis in Jerusalem, ut comedant panem in pondere & sollicitudine. Isai 3. Robur panis. Psal. 104. Firmamentum panis, non parcebat pani N, in bello, Fulcivit Ecclesiam. 3. Reg. 10. Ecce*

REV

Rex de lignis thynis fulcra domus Domini, & domus Regiæ, & cytharas lyrasque cantoribus? Quare de iisdem? respondet Pelusæta lib. 1. epist. quia non est melior consonantia, quam quando simul fulciuntur aula Regiæ & templum. Panethion Græcus in Bibliis Phocii, dum illa explicat Pl. 67. Regna terræ cantate DEO, dicit. Regna terræ sapienter DEO cantant, in quibus privata communibus, terrena caelestibus consonant, dum Ecclesia fovetur. Synesius de Regno. Pietas primum subternitur, fulcrum, & crepido, cui firmiter insistat simulachrum Regni. Ethnicus dixit Plut. contra Collat. Mihi videtur citius sine solo Resp. quam sine Religione, aut constitui, aut constituta servari. Ethnicus Val. Max. l. 1. c. 58. Non dubitaverunt sacris imperia fervire, ita se rerum humanarum futura regimen existimantia, si Divina potentia, bene atque constanter essent famulata. Defuncto N. sonuit hic conventus, servivit Regi, servivit Ecclesiæ, meruit de se dici, quod de Oniæ filio Eccl. 50. dictum. Simon Oniæ filius in diebus suis suffulsi domum, & in vita sua corroboravit templum. Erexit N. pro antiquis templis nova, construxit Nolocomia, fuit filius Oniæ zelosi, pauperes studiosos juvit. Providentiam vidit Jerem. 1. Video virgam vigilantem fulcrum vigilans, non lupulus huic virgæ adhærebat, gaudebat si dignæ personæ ejus pane velcerentur.

Sed omnia in mundo fragilia, decebat super omnes virgam Moyfis durare, sed consumpta, vix particulæ supersunt Romæ in Laterano, & Sueffione in Gallia, sed manent coram DEO. DEUS vocat ea que non sunt tanquam ea que sunt, nec mirum, Isai. 55. Sicut exaltantur cæli à terra, sic cogitationes meæ à cogitationibus vestris, & via meæ à viis vestris, dixit Dominus, cum homo destruit, rem quasi vult in nihilum reducere, DEUS destruit ut aliquid novi faciat, Isai 19. Percutiet Dominus Ægyptum & sanabit eam, Thren. 2. Cogitavit Domi-

mus dissipare murum filia Jerusalem, et tendit funiculum ut novam
scilicet ædificet. Pl. 146. Qui sanat contritos corde, & alligat
contritiones eorum. Mittit Zachariam c. 11. cum minis, & ille.
Assumpsi mihi duas virgas, unam vocavi decorem, & alteram vo-
cavi funiculum, decoris virga dissipabitur, sed manebit funi-
culus. Deflemus fractam virgam, fracta omnia, fortitudo &c.
intentiones bonæ, N. sed hæc omnia apud DEUM integra.
Osee 14. Sanabo contritiones eorum, diligam eos spontanei, ero
quasi ros, Israël germinabit sicut lilium, & erumpet radix ejus ut
Libani, & erit quasi oliva gloria ejus. Hoc unguentum sanabit
has fracturas. Est in cælo Apoc. 28. In medio platee ejus lignum
vite, & folia ligni ad sanitatem Gentium. Metiebarur civitatem
illam Angelus arundine aurea, ut scilicet cuique daret locum
juxta ejus merita, est arundo quoad nostra merita, quoad me-
rita Christi aurea. Debemus fulcire non solum Patriam, Ec-
clesiam, sed & nos ipsos. Cant. 8. Quæ est ista qua ascendit
innixa super dilectum suum? Super ejus merita cooperando
per poenitentiam &c. In Christo spes nostra. Cant. 5. Crura
ejus columna marmorea. Non fregerunt hæc crura milites,
cum Joan 19. latronum frangerent. Ratio est 1. Petr. 5. Quia,
DEUS gratia in Christo JESU nos perficit, confirmat, solidatque.
Sed debet esse Christus à nobis dilectus ut ei innitatur, opus
amore & operibus. Rom. 13. Plenitudo enim legis dilectio est.
Joan. 14. Qui habet mandata mea & servat ea, ille est, qui dili-
git me. Nostræ actiones sunt arundo, sed meritis Christi im-
meritæ fiunt arundo aurea. In hoc fulcro fundavit se spes de-
functi N. Innixus non super opes, dignitates, sed super dile-
ctum suum. Confessus, &c.